

6. gr.

Þegar sjóðurinn er orðinn 300 000.00 krónur, skal stjórn hans hefja framkvæmdir um stofnun barnaheimilis í sveit og rekstur þess.

7. gr.

Sjóðurinn stendur að öllu leyti undir stjórn hjúkrunarfélagsins „Hjálpar“, meðan það starfar. Leggist félagið niður, skulu allar eignir þess renna til sjóðsins, og skal þá stjórn hans skipuð þrem mönnum, er jafnan séu þessir: Skólastjóri barna-skólans á Patreksfirði, héraðslæknirinn á Patreksfirði og ein kona kosin af hrepps-nefnd Patrekshrepps.

8. gr.

Þegar sjóðurinn er tekinn til starfa, skulu reikningar hans lagðir árlega fyrir hreppsnefnd Patrekshrepps og endurskoðaðir af endurskoðendum hreppsins.

9. gr.

Sjóðsstjórnin skal halda gerðabók og færa í hana skipulagsskrána, fundarsamþykktir og annað, sem varðar rekstur sjóðsins og hag. Ársreikninga og efnahagsreikninga sjóðsins skal innfæra í gerðabókina.

10. gr.

Leita skal staðfestingar ráðuneytisins á skipulagsskrá þessari.

11. gr.

Með skipulagsskrá þessari er felld úr gildi skipulagsskrá fyrir Barnaheimilis-sjóð hjúkrunarfélagsins „Hjálpar“, Patreksfirði, nr. 157 frá 15. september 1940.

Patreksfirði, 10. marz 1971.

F. h. hjúkrunarfélagsins „Hjálpar“, Patreksfirði.

Sesselja Christiansen, formaður. Kata Gísladóttir, ritari.

Rut Jónsdóttir, gjaldkeri.

AUGLÝSING

um breyting á samþykkt um lokunartíma sölubúða og sölustaða
á Siglufirði, nr. 230 1. okt. 1964.

1. gr.

1. mgr. 2. gr. orðist svo:

Alla virka daga skal sölubúðum og sölustöðum eigi lokað síðar en kl. 18 nema laugardaga en þá skal lokað kl. 13, og þær eigi opnaðar aftur fyrr en kl. 9 árdegis næsta virkan dag. Frá 1. marz til 15. júní verði verzlunum þó lokað kl. 19. Þá skulu og vera frá þessu undantekningar, sem nú skal greina:

2. gr.

Síðasta málsgrein 2. gr. orðist svo:

Sölubúðir skulu vera lokaðar alla helgidaga, sumardaginn fyrsta, 1. maí, 17. júní og fyrsta mánudag í ágúst (fridagur verzlunarmanna) og laugardaginn fyrir fridag

verzlunarmanna skal sölubúðum lokað kl. 12 á hádegi. 20. maí, þá er afmæli Siglufjarðar ber upp á 5 eða 10 ár, skulu sölubúðir vera lokaðar allan daginn.

Samþykkt þessi, sem er gerð af bæjarstjórn Siglufjarðar samkvæmt lögum nr. 17 1. febrúar 1936, staðfestist hér með og birtist til eftirbreytni öllum þeim, sem hlut eiga að máli.

Félagsmálaráðuneytið, 23. marz 1972.

F. h. r.

Hjálmar Vilhjálmsson.

Gunnlaugur Þórðarson.

AUGLÝSING

um breytingu á auglýsingu nr. 154 1963, um skiptingu Reykjavíkur-prófastsdæmis í sóknir og prestaköll, sbr. stjórnarráðsbréf nr. 189/1967 og augl. nr. 71/1968 og 143/1971.

Eftir að leitað hefur verið tillagna safnaðarráðs Reykjavíkur og að fengnum tillögum biskups Íslands, er eftirfarandi breyting gerð á skiptingu Reykjavíkur-prófastsdæmis í sóknir og prestaköll, sem ákveðin var með auglýsingu nr. 154/1963, sbr. stjórnarr.br. nr. 189/1967 og augl. nr. 71/1968 og 143/1971: Á eftir 19. tölulið komi nýr töluliður, er orðist svo:

20. Breiðholtsprestakall:

Breiðholtssókn takmarkast af Reykjanesbraut að vestan, Breiðholtsbraut að sunnan, Höfðabakka að austan og Elliðaám að norðan.

Breiðholtshverfi utan framangreindra marka, sem takmarkast af áframhaldi Reykjanesbrautar að vestan, landamerkjum Kópavogskaupstaðar að sunnan og austan og Elliðaám að austan og norðan, fylgir Breiðholtsprestakalli fyrst um sinn.

Önnur ákvæði auglýsinga nr. 154/1963 breytast í samræmi við auglýsingu þessa.

Auglýsing þessi tekur gildi nú þegar. Sóknargjöld fyrir árið 1972 innheimtast með tilliti til ofangreindra breytinga.

Í dóms- og kirkjumálaráðuneytinu, 29. marz 1972.

Ólafur Jóhannesson.

Baldur Möller.